

江上蓼花紅似血江頭沙磧明如雪前山後山寂無人一犬夜
吠松梢月

午類

笋方合爪蕨擎拳好與同參詩裏禪居士聞韶今已久爐峯爲
我曉生烟

栩菴力高士與同散步二首

老槐蒼蒼嫩槐綠小麥青青大麥黃燕已生雛鶯已去落花不
管蜂蝶忙

二

功名不直一杯水富貴於我如浮雲詩句清妍仍淨遠游絲飛

道藏輯要

白真人集

三

婁集三

絮聽繽紛

憶鶴

洞裏不知城市改人間再到子孫非有誰尙自看華表何處如
今叫令威

朝斗

夜樓一穗玉爐烟飛入三天最上天朝罷滿空風露晚世人應
是更貪眠

閩中曉晴賞牡丹

晴窻冉冉飛塵喜寒硯微微暖氣伸喚醒東吳天外夢化爲南
越海邊春